

四庫全書

子部

欽定四庫全書

古今姓氏書辨證卷三十八

宋 鄧名世 撰

十七薛

薛

出自任姓黃帝孫顓帝少子陽封於任十二世孫奚仲為夏車正禹封為薛侯其地魯國薛縣是也奚仲遷于邳十二世孫仲虺復居薛為湯左相臣扈祖己皆其胄裔也祖己七世孫曰成徙國於摯更號摯國

女太任生周文王至武王克商復封於薛為薛侯齊桓霸諸侯薛侯獨不從黜為伯歷三代凡六十四世其可記者軫生初初生厲侯陵陵生宣武侯房房生哀侯褒褒生莊侯元元生平侯貴貴生昭侯直直生襄侯夷夷生威侯辨辨生康侯安興安興生定公箱箱生恭侯尚尚生景侯魏魏生宣侯伯勤伯勤生簡侯文歡文歡生惠侯夷黃夷黃生靈侯英英生文侯俱俱生隱侯清清生愍侯洪洪為楚所滅公子登仕

楚懷王為沛公不仕隱於博徒因以國為氏所謂薛公也漢御史大夫廣德孫愿徙居淮陽巴蜀太守齊又徙河東汾陰世號蜀薛生懿懿三子恢雕興恢一名開河東太守號北祖雕號南祖興號西祖興子濤與北祖南祖分統部眾世號三薛至內都大官謹五子號漢上五門世系皆具唐宰相表吳薛綜子瑩孫兼三人皆為太子太傅謂之吳國三傅後魏薛通子道衡道衡子收收子元超子曜五世有文集唐薛瓘

璿子紹及堂姪衡衡子琇並尚主一門四主隋唐定河東薛為乙門太和二十年衆議以薛氏為河東戊族帝曰薛氏蜀也豈可入郡姓直閭薛宗起執戟在殿下出次對曰臣之先人漢末仕蜀二世復歸河東今六世相襲非蜀人也伏以陛下黃帝之裔受封北土豈可亦謂之胡耶今不預郡姓何以生為乃碎戟於地帝徐曰然則朕甲卿乙乎乃入郡姓仍曰卿非宗起乃起宗也賈執姓氏譜劉朱周武薛為沛國五

姓魏太和族品柳裴薛為河東三姓

泄

春秋時鄭大夫洩駕洩伯之後有洩堵寇又有陳大夫洩冶亦作泄魯人泄柳漢中大夫泄公與貫高相知

洩

春秋時鄭大夫洩伯之後有洩堵寇

高

邵氏曰音薛契之後世為氏謹按漢書契作皐

裂

出自春秋紀大夫裂繻字子帛之後

砮

音徹周禮砮鏃氏後

折

後漢獨行傳折像字伯式廣漢雒人其先張江者封侯於折曾孫國為鬱林太守徙居廣漢因封氏焉國

生像

案後漢書折像入方術傳此作獨行傳誤

羌族有西河折氏世家雲

中為北蕃大族自唐以來世為麟府州節度使宋西河折氏唐振武軍緣河五鎮都知兵馬使宗本生嗣倫麟州刺史嗣倫生從阮周靜難軍節度檢校太師兼侍中從阮生德宸德愿德宸永安軍節度檢校太師贈侍中有傳二子御勲泰寧軍節度檢校太尉兼侍中有傳

舌



謹按春秋越大夫止有后庸而姓書以后為舌誤世無舌氏或云恐周官舌人之後

藥

姓苑云東莞人本姓薛以避仇加木

悅

後燕錄悅希為慕容恪司馬

說

言說之說亦姓也

竭

今撫州臨川細民有此氏不知其所自出

列禦

元和姓纂曰鄭穆公時列禦寇之後著書八篇誤矣  
謹按列子名禦寇謂之子列子如曰禦寇伏地汗流  
至踵則單姓列明矣

揭陽

漢功臣揭陽定初為南越揭陽令聞漢兵至定降封

安道侯因官為氏定薨子當時嗣師古曰揭音竭

折掘

南涼禿髮儁檀立其妻折掘氏為皇后又右衛折掘

竒鎮據石驢山叛

折婁

本鮮卑人隨魏南徙

別成

漢藝文志陰陽家有別成子望軍氣六篇今詳別成

乃著書人也

悦力

後魏有悦力氏

十八藥

藥

唐貞觀所定果州武都郡五姓一曰藥宋太原藥氏  
定國軍節度使檢校太師贈侍中元福有傳生可瓊  
軍器庫使

畧

姓苑曰零陵人千姓編曰吳有略統誤矣統姓略

若

古有賢人若氏魯人漢河間王元與妻若共乘朱輪  
若即妻之氏也淳于長母乃王氏名若不可不辯

郛

出自春秋郛國在商密秦滅之子孫以國為氏

若敖

出自芊姓楚子熊鄢生熊儀謂之若敖後以為氏謹按春秋楚君之不以壽終者葬不以成君之禮皆謂之敖若敖霄敖堵敖杜敖邾敖訾敖皆是也

若羅

晉孝惠帝時鮮卑若羅拔能冠涼州張軌擊斬拔能威名大振

若干

出姓苑後魏代北人後改為若氏晉載記後燕步兵

校尉若久和

案後魏始改若干為若氏後燕之若久和在改氏前不應為若干氏之後

矍相

姓苑曰沛人其先魯大夫食采矍相因氏焉

藥羅葛

唐回紇舊傳回鶻居薛延陀北婆陵水上距京師七

千里有九姓藥羅葛回紇姓也回紇嘗遣藥羅構來

朝本唐人姓呂氏因入回紇為可汗養子遂從其姓

若口引

後魏若口引氏改為寇氏孔志雜錄曰引音辰

十九鐸

莫

其先楚人以大為莫故其官謂之莫敖後以官氏漢  
獻帝時有益州從事莫嗣 河南莫氏後魏邢莫氏  
莫多婁氏改焉

幕

出自媯姓帝舜之後有虞幕名思為夏諸侯能聽協





風以成樂物生功在祀典三王皆祀之後世氏焉

鄭

音莫

人姓按河間有鄭縣此必以邑為氏

落

春秋赤狄皋落氏後單為落氏後漢中平四年二月  
滎陽賊殺中平令落皓

絡

衛有賢者絡疑之後

駱

後涼呂纂親將駱騰

雒

音洛

馬援傳麓

音麋

泠縣有雒將乃徵側徵貳之父謹按前

漢注漢火行忌水故去洛水而加佳然則此人以水  
為氏姓苑又有雒氏音洛

錯

姓苑宋有太宰錯君後為氏唐時溫泉多此姓

閣

唐有閣輔奴任潭州橋口鎮副使自云望出河南

鄂

巴陵蠻七姓其一曰鄂氏

薄

晉東海王越有將薄盛今望鴈門譙郡

郝

秦上卿郝晏唐有土蠻揚劉郝三姓世為長襲封王

又盧水郝奴乘慕容氏既敗之後稱帝長安姚萇攻  
降之後燕有平北司馬郝景北燕有昌黎郝越

索

音各切

出自周成王分魯公商民六族其一索氏之後後漢  
燉煌長史索班

洛

音鶴

姓苑貉音鶴洛音涸

漸

音作出蒼頡史篇

博

風俗通漢有博勞吉善相馬今望出淮南謹按博齊之聊攝秦為東郡隋因博平縣建為博州

霍

唐貞觀所定果州武都郡七姓一曰霍氏

郭

出自姬姓周武王封文王弟虢叔於西虢封虢仲於

東虢西虢地在虞鄭之間平王東遷奪虢叔之地與

鄭武公楚莊王起陸渾之師伐周責王滅虢於是平

王求虢叔裔孫序封於陽曲

案唐世系表此下尚有虢為郭公因以為氏文

義方順

因以為氏後魏郭崇播本黨氏改焉賈執姓氏

譜定太原五姓隋唐定山東八族其一皆曰郭氏謹

按春秋齊大夫有郭榮郭周父則郭公之後得姓者

初仕齊又唐表誤以楚武王為莊王合改正

鐸過

姓纂曰晉軍尉鐸遏寇之後宋襄公下大夫鐸遏章  
謹按遏寇姓鐸氏晉人也故望出絳郡

莫侯

河南乞伏乾歸有梁州刺史莫侯悌眷為御史大夫

莫輿

後魏官氏志莫輿氏改為輿氏

莫盧

莫盧氏改為盧氏

莫折

後魏末有亂寇莫折念生

薄奚

官氏志薄奚改為河南薄氏

薄野

代北薄野氏

落姑

魯大夫食采落姑氏焉漢有博士落姑仲異



落下

益部耆舊傳有閬中落下閬作太初歷

案落下閬原傳作落下閬此誤

駱雷

代北人姓

拓跋

出自姬姓黃帝生昌意受封北土黃帝以土德王北  
俗謂土為拓謂后為跋故以拓跋為氏或說自云拓  
天而生拔地而長遂以為氏裔孫始均仕堯時逐女

魃于弱水北人賴其敷舜命為田祖歷三代至秦漢  
不交南夏至成王帝毛統國三十六大姓九十九威  
振北方成帝十二世至獻帝生聖武皇帝詰汾田于  
山澤天女受命相偶明年以所生男授帝是為神元  
皇帝生力微時人諺曰詰汾皇帝無婦家力微皇帝  
無舅家神元一百四歲崩子章皇帝悉鹿平皇帝綽  
繼立綽崩文帝少子思皇帝弗改立裔孫昭成皇帝  
什翼健生太子寔生道武皇帝珪始稱魏珪生明皇

帝嗣嗣生太武皇帝燾燾生景穆太子晃晃生文成  
皇帝濬濬生獻文皇帝弘弘生孝文皇帝宏太和二  
十年正月丁卯詔改姓元氏自是拓跋氏降為庶姓  
散在夷狄唐時党項以姓別為部而拓跋氏最彊有  
拓跋赤辭與從子思頭其下拓跋細豆皆降擢西戎  
州都督賜姓李又有靜邊州刺史拓跋朝光樂州刺  
史拓跋乞梅其居夏州者號平夏部天寶末戰有功  
擢容州刺史天柱軍使裔孫拓跋思恭咸通末討巢

賊僖宗以為夏綏銀宥節度使同平章事賜姓李其弟思諫思欽皆節度使

拓王

後周王秉王興並賜姓拓王氏舊唐史儀鳳二年命舊州都督拓王奉擊吐蕃

索盧

後秦燉煌索盧曜姚萇遣刺苻登不克被誅

莫那盧

代北三字姓孔至曰莫那盧氏後改姓盧

欽定四庫全書

古今姓氏書辨證卷三十九 宋 鄧名世 撰

二十陌

貉

自貉稽始以氏見孟子音陌而姓書誤音鶴

白

出自姬姓周虞仲封於虞晉滅虞虞公族井伯奚事  
秦號百里奚奚生視字孟明古人皆先字後名故稱

為孟明視視少子曰白乙丙其後以為氏裔孫武安

君起賜死杜郵始皇思其功封其子於太原故子孫

世為太原人三十三世孫

案唐世系表三十三世作二十三世

後魏太

原太守邕五世孫建字季庚生幼文居易行簡

案唐世系

表邕五世孫建建五世孫季庚生幼文等與此不合

兄子敏中相唐宣宗世系

具唐宰相表

帛

神僊傳有帛和晉有僧帛道全漢有五威將軍帛敞

又軍將帛意斬李憲降封漁浦侯注曰帛姓也

伯

風俗通曰嬴姓伯益之後為氏以理推之必姜姓伯

原缺一字

之後舜命伯夷作秩宗其書曰帝曰咨伯則伯

為夷之字後世氏焉楚太宰州犁州犁生吳太宰嚭  
字子餘孔子之友伯高弟子伯虔字子析

栢

開封栢孝隆駕部員外郎生什邡尉初又栢元康監



襄邑倉

百

漢酷吏咸宣傳盜賊滋起南陽有梅免百政師古曰  
梅百皆姓也高麗八姓其一曰百氏

劇

音極

宋大理卿劇可久字尚賢范陽人有傳又太常丞劇

元吉

策

音仄

出姓苑謹按後漢末丹陽人笮融為徐州牧陶謙督  
運糧遂斷三郡委輸大起浮屠寺又殺廣陵豫章二  
太守後為劉繇所破人殺之於山中

窄

廣韻笮一作邈姓苑又作窄今豫章有此姓

邈

反音

廣韻笮一作邈姓苑又作窄今豫章有此姓

卻

音隙

俗作郤自晉大夫郤文生豹豹生芮芮生成子缺皆食邑於冀缺生獻子克其後錡曰駒伯犇曰苦成叔至曰溫季子揚曰步揚皆以所食邑著名又有稱乞穀漆皆為卿大夫今作郤氏望出山陽

格

出自金天氏裔子曰昧生允格臺駘允格之後以字為氏後漢有御史格班班曾孫顯後魏青州刺史顯曾孫處仁生輔元為唐宰相蓋陳留八俊之一人也

舊史畢師鐸以卒長格元真主兵

翟

西河翟氏出自黃帝之後春秋時世居北地後徙西河故賈逵注國語云翟居北地後為晉所滅秦并天下子孫分散居晉地及江南今翟氏出汝南而音宅者又別為一氏更考正之宋濟州任城翟氏晉左司禦率溥生守素商州團練使

號

國音

出自姬姓周武王叔父虢叔封於西虢弘農陝縣東南之虢城是也虢仲封於東虢滎陽成皋是也春秋之前鄭滅東虢以為制邑子孫以國氏晉大夫虢射即其後也

白公

邵氏曰楚白公勝之後有為氏者今從其說

白侯

後漢尚書郎白侯攜吳有張昭師白侯子安謹按此

文皆柏侯氏誤以為白

白冥

史記秦本紀贊有白冥氏蓋嬴姓十四氏之一也

白象

風俗通白象先生古賢人隱者

白威

出姓苑

伯宗

世本曰晉孫伯起生伯宗因氏焉謹按此謂伯氏所  
自起也姓纂以為伯宗複姓誤

伯高

元和姓纂曰列子友伯高子進此校勘之誤也伯高  
合為複姓然進字乃下文曰進二子之道姓纂誤斷  
一句觀者詳之

伯成

莊子伯成子高辭為諸侯而耕亦作柏成

伯有

鄭良霄字伯有子孫氏焉

百里

出自姬姓周太子五世孫虞仲受封于虞晉獻公滅  
虞執其大夫井伯奚使媵伯姬於秦秦以奚為大夫  
食采於百里因號百里奚地在唐涇隴之間馬璘敗  
吐蕃衆於百里即其地也奚子視以百里為氏謂之  
百里視字孟明或曰奚字百里後漢百里嵩為徐州



刺史州境遭旱嵩行部傳車所經即雨

郤州

世本晉郤豹孫步揚生郤州因氏焉

赫連

其先匈奴右賢王去卑之後劉元海之族曰訓兒追  
謚元帝生武前趙安北將軍丁零中郎將樓煩公追  
謚景帝生豹子後趙平北將軍左賢王丁零單于追  
謚宣皇帝生衛辰前秦西單于追謚桓皇帝廟號太

祖衛辰生丞相代公右地代大將軍魏公力侯提大  
夏皇帝赫連勃勃字屈子勃勃以後魏天賜四年稱  
王朔方國號夏自云朕之皇祖自北遷幽朔姓改姁  
氏音殊中國故從母氏為劉子而從母之姓非禮也  
古人氏族無常帝王者繼天為子是為徽赫實與天  
連因改曰赫連氏立其子瓚為太子延為陽平公昌  
為太原公倫為酒泉公定為平原公滿為河南公安  
為中山公勃勃僭位十三年死昌嗣立魏人執之定

自立于平涼亦為魏所滅定裔孫子悅字士欣後魏  
太常卿生仲章中書舍人又勃勃兄子大將軍羅提  
族人前將軍昌御史大夫梁公叱干阿利征南將軍  
阿利羅引尚書令若門尚書左僕射叱以韃征北將  
軍尚書右僕射乙斗

### 號射

元和姓纂曰晉大夫號射之後漢烈帝時有羽林監  
號射鏘

二十一麥

麥

姓苑云高要始興有此姓隋有將軍麥鐵杖日行五百里嘗有竇姓者戲之於朝堂鐵杖正色曰豆之與麥相去幾何人以為名對宋內侍麥允言謚威勤公

麥丘

齊桓公至麥丘麥丘人年八十三祝威公壽公封之麥丘其後因以為氏焉

二十二昔

掖

官名後以為氏

易

前涼將軍易掖今望出濟陽

液

亦音

急就章有液容調

索液碑本作掖師古曰液氏上古道術之士善於鍊化能作液湯者

後嗣因以液為姓王應麟曰液縣名在東萊今萊川以邑為氏廣韻亦引之

釋

其先釋王國人號為釋種秦漢間匈奴破釋國釋王  
南君罰賓種分散為數國自疏勒以西休儲捐毒之  
屬皆是漢史以釋為塞時人語有輕重故訛也西域  
傳曰悉達成道謂沙門為釋氏蓋釋種也支僧載外  
國事曰迦維羅越國今無復王城池荒穢惟空處有  
優波塞姓釋可二十餘家是昔淨王之苗裔故為四  
姓住在古城中俗尚精進猶有古風

𣎵

音赤

出姓苑

石

出自衛大夫石碯其先以王父字為氏碯生石厚碯  
孫駘仲生祁子及庶子五人駘仲孫曰成子稷稷生  
共子買買生悼子惡惡生曼姑曼姑生魑又有石圃  
石乞韻譜曰石紛如為柱石臣得氏誤矣紛如齊小  
臣也後涼有西安太守石元良前燕都尉石琮鎮南

將軍石賢禿髮烏孤將石亦干唐西域石國王姓石

亦音祐

案通考石國或曰拓支或曰拓析或曰赭時漢大宛北鄙也

鈿

集韻曰姓也出彭城

藉

春秋時晉有藉偃藉秦皆為大夫秦漢間有藉福即其後

夕



漢書已郡蠻渠帥七姓有羅朴普鄂度夕龔

席

漢有安定太守席永家焉

射

出自晉大夫號射之後以王父字為氏謹按漢律歷  
志武帝元封元年詔大興星射姓造太初歷不知此  
人之姓音社音石也

益壽

老子父李氏名乾字元果為周上御大夫娶並壽氏  
女曰嬰敷生耳

赤松

古仙人赤松子因以為氏

赤章

韓子曰智伯以鐘遺仇繇赤章蔓枝諫令不受

石作

孔子弟子石作蜀字子明英賢傳曰姓石作名蜀未

知何據

石駘

元和姓纂曰駘仲之後亦作石駘氏

石戶

莊子舜友有石戶之農

石之

元和姓纂曰齊有石之紛如謹按燭之武侯之狐耿之不比夏之御寇皆姓名中有之字則紛如姓石爾

非以石之為複姓也

籍丘

左傳齊大夫籍丘子鉏之後

辟閭

元和姓纂曰衛文公曾孫以居楚丘營辟閭里後世  
因為辟閭氏晉有寧州刺史辟閭彬宋高祖時燕辟  
閭蔚生幽州刺史辟閭渾渾生辟閭道秀皆其後也  
唐藝文志有大厯時司禮博士辟閭仁諱注老子二

卷

赤小豆

後改為豆氏

欽定四庫全書

古今姓氏書辨證卷四十 宋 鄧名世 撰

二十三 錫

錫

謹按春秋宋鄭之間有隙地六邑其一曰錫鄭人城之以處宋元公之孫必其後以邑為氏

鄧音歷

宋江陵鄧坦縣令生知白知白生象中象中生因近

時叛將酈瓊

狄

後秦樂平侯伯文裔孫恭居太原生湛東魏帳內正

都督臨邑子孫孝緒尚書左丞臨潁男生知儉知本

知儉越州刺史生仁傑

案世系表狄孝緒子知儉知本知遜知遜官越州刺史生

仁傑此作知儉越州刺史生仁傑誤

仁正仁節仁恪仁矩仁傑字懷英

宰相梁國公生戶部郎中光嗣謹案魯大夫狄虎彌

狄儀皆山之祖後魏河南狄氏本段匹磾之後庫狄

氏改焉

壁

齊壁司徒之後為氏

戚

出自衛大夫孫林父食邑於戚其支庶以為氏漢功  
臣表臨轅堅侯戚鰓生夷侯觸龍觸龍生共侯中中  
生賢

休

音溺



姓苑云人姓也古文作休

析成

元和姓纂曰齊大夫析成鮒誤矣謹案春秋魯定公十四年析成鮒小王桃甲率狄師襲晉不克士鮒奔周小王桃甲入于朝歌則鮒姓士氏杜注曰二子晉大夫范中行之黨是也今駁去

二十四職

敕

姓苑音棘

息

出自姬姓息侯之國其地蔡州新息縣是也春秋魯莊公十四年楚文王滅之子孫以國為氏漢有河內息夫躬

植

天竺胡人之性蓋釋種也

稷

堯時棄為后稷子孫以官為氏

識

出姓苑

棘

謹案春秋齊楚皆有棘齊邑在西安縣東戟里亭楚邑在譙鄆縣東北棘亭然則子成之先必齊或楚人仕衛者

弋

亦音

姓苑云今蒲郡多此姓望出河東弋子元登進士第  
官至殿中侍御史

國  
通音

姓源韻譜曰人姓也

直勒

唐藝文謝偃傳衛州衛縣人祖孝徵仕北齊散騎常  
侍本姓直勒氏改為謝氏

勅力

後魏高車別帥有勅力鞭

弋門

姓苑云漁陽人

即墨

田單守齊即墨有功因以為氏漢有城陽相即墨成  
齊人受易於田何

二十五德

勒

晉王廞有騎督勒滿破張昌於隋郡元經薛氏傳晉  
時匈奴國民有勒氏多反叛

特

晉大夫特宮始以氏見於春秋

墨

孤竹君後本姓墨胎避難改為墨氏

塞

姓苑云南越人謹按前漢西域傳匈奴破月支塞王

南君大夏

素漢書西域傳大月氏西君大夏而塞種塞王南君崩賓此作南君大夏悞

塞種

分散往往為數國自疏勒以西北休儲捐毒之屬

漢案

書武帝通西域三十六國內有休儲捐毒荀悅漢紀亦作休備此作休儲悞

皆故塞種也

師古曰塞音先得反即所謂釋種者亦語有輕重爾

國

春秋時有國莊子歸父生武子佐佐生景子弱及勝

弱生惠子夏及中軍將書書生觀世為齊上卿唐百

濟大臣八姓其一曰國民

北

出姓苑高麗人

二十五德

黑肱

楚王子黑肱字子皙其後以為氏

黑齒

出自南詔羣蠻有黑齒金齒銀齒三種見人以漆及  
金銀鏤飾飲食則去之因為氏



墨夷

風俗通宋大夫有墨夷須墨夷鴻邵氏姓解曰宋公之子目夷之後古有墨夷皋案此即墨目音變也

墨台

亦作默夷孤竹君之後也漢有墨台綰

万俟

上音墨下音其其先魏文帝大統七年万俟醜奴自稱天子置百官以万俟侔為僕射改元神獸尔未榮

遣天光討之生擒醜奴斬於都市其後西魏有特進  
万俟普為秦州刺史又万俟壽樂干為司徒唐朱泚  
有殿中侍御史万俟著

### 北宮

出自姬姓衛成公曾孫拈世為衛卿別以所居為北  
宮氏後漢靈帝時有胡北宮伯玉晉有尚書北宮純  
子華子有弟子北宮意能傳其道

### 北郭

出自齊北門之城謂之北郭大夫居北郭者因以為

氏

北殷

元和姓纂史記湯後

北旄

世本曰子姓

北鄉

出姓苑

北丘

出姓苑

北附

出姓苑

二十六緝

立

姓苑云古賢者立如子之後又云立如子複姓

給

出姓苑

戢

側立切

謹案春秋有盧戢犂國語注曰盧楚邑戢犂廬大夫則犂以戢氏也

邑裘

元和姓纂曰衛太史柳莊卒公與之邑裘氏與縣潘氏故衛有邑裘氏謹案禮記注曰裘與縣潘皆邑名則邑裘本非複姓林氏誤矣

邑由

楚大夫養由基之後改為邑由氏避仇也晉東莞莒縣人邑由養真

邑里

出姓苑

執失

北蕃酋帥有咄密支頡利發姓執失氏生思力唐史有傳

二十七合

合

出自子姓宋向戌為左師食采於合謂之合左師後世氏焉

郤音合

河南郤氏後魏大莫干氏改焉

頤

音閭春秋遂人四族一曰頤氏

使

出姓苑音殪

合博

漢功臣表有貫齊侯合博胡害以越戶將從破秦入  
漢定三秦以都尉侯子共侯方山生煬侯赤赤生康  
侯遺遺生猜國除貫音式制反

沓盧

後魏官氏志沓盧氏改為沓氏



二十八蓋

蓋

越騎校尉蓋勲字元固燉煌廣至人家世二千石漢陽太守進生大司農彪彪生思齊安定屬國都尉思齊生勲謂之京兆勲子順永陽太守皆有傳及世系唐安西都護蓋嘉運後魏河南蓋氏蓋樓氏改焉謹案孟子有蓋大夫王驩又曰陳仲子兄戴蓋祿萬鍾注蓋齊邑也今宜曰蓋氏出自齊大夫食采於蓋以

邑為氏則詳明矣唐魏徵定天下姓氏平昌郡三姓  
山陽郡五姓皆有蓋氏

厓

音闔纂要文云人姓也

奎

音軟

才盍反又音閤今北海有此姓出纂要文

蓋樓

後魏代北蓋樓氏後改為婁氏

二十九葉

葉

失涉切今音枝葉之葉蓋攝葉音變也下邵葉氏出自芊姓後漢曰南徼外蠻葉調賜金印紫綬吳志孫堅有都尉葉雄即其後也章貢葉氏大理評事懷德生材錢塘葉氏桂州司法曉二子昌言秘書丞昌齡屯田員外郎歸化葉氏閩尉同生諱著作佐郎

接

三輔決錄有接子名昕著書十卷

涉

其先晉大夫涉佗以邑為氏潞州涉縣即其地也晉  
有涉賓神仙傳有涉正漢有遼東部都尉涉河前燕  
慕容翰伐宇文歸歸遣驍將涉藥于盡眾拒翰慕容  
就遣使謂翰曰藥于雄悍宜少避之翰曰藥于徒有  
虛名實易與耳果敗藥于斬其首俘其眾以歸

猶

邵氏曰音獵犬戎之姓謹案唐貞觀所定坻丘邵六  
姓其一曰獬氏

捷

乞伏熾磐克樂都遣平遠將軍捷虔帥騎五千追僞

檀

聶

謹案春秋魯僖元年齊師宋師曹師次于攝北救邢  
注曰聶北邢地詳此即聶為衛地元和姓纂曰衛大

夫食采於攝因以為氏是也廣韻以衛為楚誤矣春秋時楚大夫有攝叔蓋攝聶聲相近然則叔之先乃衛大夫史記軹深井里人聶政宜為攝叔之後唐末文士夷中五代周將知遇宋欽州聶氏唐鴻臚卿師道揚行密奏為問政先生始葬新安七世孫冠卿字長儒大中祥符二年進士為翰林學士兼侍讀學士知制誥有傳弟世卿為太常博士冠卿五子友仲平仲儀仲文仲公仲世卿一子荀仲河南洛陽聶氏國

子司業兼太常博士崇義有傳

輒

謹按姓書有輒終古恐誤作輒字

接輿

元和姓纂曰論語楚狂接輿隱者也其後為氏

涉其

姓書多曰世本楚大夫有涉其氏春秋涉其孥是也  
謹案春秋定五年傳吳入楚楚昭王奔隨將涉於成

白藍尹疊涉其孥不與王舟及寧王欲殺之子西曰  
子常惟思舊怨以敗君何效焉王曰善然則藍尹疊  
自以舟送其妻子濟水非有人姓涉其名孥者請削  
此姓以正其誤

趺跌

北蕃首領之姓

三十帖

俠



韓相俠累之後急就章有俠却敵

英

漢藝文志有英氏春秋

案漢藝文志英作夾

王僧孺百家譜曰

荀永之娶滎陽英氏

牒云

魏遣牒云具仁使柔然迎阿那瓌反國代北牒雲氏

改雲氏

英成

世本晉大夫有莢成僖子

三十一洽

夾

漢藝文志春秋有夾氏傳十一卷師古曰夾音頰邵氏曰楚有大夫邾敖誤矣謹案邾敖楚靈王之號也

邾音夾

出自鄭大夫邾張其先以所食邑為氏汝州邾城縣即其地

三十二狎

甲

姓纂曰出自商王太甲之後莊子曰公族昭甲然則  
芊姓之後其公族大夫有甲氏當以莊子為正韻譜  
曰左傳鄭有甲石父誤矣甲父姓石非石父姓甲潘  
安仁關中詩曰謬彰甲吉甲姓吉名羌奴也李善注  
文選曰晉人滅赤狄甲氏乃其先也

甲父

古諸侯國因以為姓高平縣東南有甲父亭即其地  
噉

西域挹怛國漢有大月氏之種噉王姓也後裔以  
姓為國訛為挹怛亦曰挹闐俗類突厥

三十三葉

葉

經典釋文曰宋奉朝請葉遵字長孺燕人作禮記注  
十二卷

鄴

風俗通漢有鄴鳳為梁令今望出滎陽及武陵

脅

出姓苑

